



Broj: 02-11-2911/22-AP-2  
Datum: 17.11.2022. godine

Na osnovu člana 17. i 18., a u vezi sa članom 24. stav 1. tačka a) Zakona o javnim nabavkama („Službeni glasnik BiH“, broj 39/14) i člana 12. Privremene statutarne Odluke Grada Zavidovići («Službeni glasnik općine Zavidovići», broj: 4 /22), u predmetu dodjele ugovora o javnoj nabavci dodatnih radova „Zamjena stolarije na Gradskoj sportskoj dvorani“, Gradonačelnik grada Zavidovića, donosi

## ODLUKU

o pokretanju postupka javne nabavke dodatnih radova „Zamjena stolarije na Gradskoj sportskoj dvorani“, Gradonačelnik grada Zavidovića

1. Odobrava se pokretanje postupka dodjele ugovora o javnoj nabavci dodatnih radova „Zamjena stolarije na Gradskoj sportskoj dvorani“, oznaka i naziv iz JRJN: 45420000-7- radovi na ugradnji stolarije.
2. Procijenjena vrijednost nabavke predmetnih radova iznosi 6.669,31 KM (bez uračunatog PDV-a).
3. Javna nabavka radova iz tačke 1. ove Odluke finansirat će se iz Budžeta Grada Zavidovići za 2022. godinu („Službeni glasnik Grada Zavidovića, broj: 11/2021, 4/22 i 6/22), konto 615114, izdaci Kapitalni transfer kantonima- izgradnja rekonstrukcija i investiciono održavanje školskih objekata u iznosu od 7.803,09 KM ( sa PDV-om) u skladu sa odredbama Odluke o izvršenju Budžeta općine Zavidovići za 2022. godine („Službeni glasnik Općine Zavidovići“, broj: 11/2021, 4/22, i 6/22)4.
4. Postupak dodjele ugovora o javnoj nabavci radova iz tačke 1. ove Odluke će se provesti putem pregovaračkog postupka bez objave obavještenja o nabavci u skladu sa članom 24. stav 1. tačka a) Zakona o javnim nabavkama.
5. Trajanje ugovora je 15 (petnaest) kalendarskih dana.
6. Ova Odluka kojom se pokreće javna nabavka dodatnih radova „Zamjena stolarije na Gradskoj sportskoj dvorani“, dopunjava Plan javnih nabavki za 2022. godinu broj: 02-11-2502/22-AP-2 od 30.09.2021. godine, i čini njegov sastavni dio.
7. O realizaciji javne nabavke dodatnih radova „Zamjena stolarije na Gradskoj sportskoj dvorani“, staraće se Služba za upravu privrede, lokalni razvoj, infrastrukturu i međunarodnu saradnju.
8. Odluka stupa na snagu danom donošenja i bit će objavljena na službenoj veb stranici Općine Zavidovići.

## Obrazloženje

Služba za upravu privrede, lokalni razvoj, infrastrukturu i međunarodnu saradnju podnijela je Zahtjev za realizaciju javne nabavke dodatnih radova „Zamjena stolarije na Gradskoj sportskoj dvorani“ broj 03-11-1007/22-1 od 15.11.2022. godine. U zahtjevu je navedeno da je Stručni nadzor, preduzeće „Construct projekt“ d.o.o. Zavidovići svojim dopisom br. 221-11/22 od 14.11.2022. godine izvijestio ugovorni organ da su u toku izvođenja radova, provjerom dimenzija iz ugovorenog predmjera i stanja na objektu (postojeći otvori



vrata i prozora) uočeno neslaganje između projektne dokumentacije (Glavni projekat adaptacije i dogradnje Gradske sportske dvorane u Zavidovićima urađenim pod brojem: 02-1-5073/11 od 16.11.2011. godine, od strane JP „Zenica“ d.o.o. Zenica) sa stvarnim trenutnim stanjem objekta; raspored postojećih prostorija kao i broj komada otvora vrata i prozora koje treba zamjeniti. Isti nisu obuhvaćeni predmjerom u Glavnom projektu jer je projektom predmjerom obuhvaćena adaptacija i dogradnja, a trenutno se izmjena vrši na postojećim prostorijama dvorane. Da bi se izvršila zamjena stolarije u sportskoj dvorani jednoobrazno i kompletno, te okončao navedeni projekat nadzorni organ dostavio je predračun izvođača sa neophodnim pozicijama i ponuđenim cijenama.

Javna nabavka dodatnih radova „Zamjena stolarije na Gradskoj sportskoj dvorani“ će se provesti putem pregovaračkog postupka bez objave obavještenja.

Ugovorni organ odlučio se za ovu vrstu postupka iz razloga što vrijednost radova ne prelazi iznos 20 % vrijednosti osnovnog Ugovora, te da su dodatni radovi koji nisu uključeni u prvobitno zaključen ugovor, neophodni za izvođenje, i da se takvi radovi ne mogu tehnički i ekonomski odvojiti od glavnog ugovora bez većih nepogodnosti za ugovorni organ. Prijedlog Službe za upravu privrede, lokalni razvoj, infrastrukturu i međunarodnu saradnju je da se izvođenje dodatnih provede pregovarački postupak bez objave obavještenja sa Izvođačem „MEGA -ROLL“ d.o.o. Gračanica sa kojim je zaključen glavni Ugovor o izvođenju radova na zamjeni stolarije na Gradskoj sportskoj dvorani, broj 02-11-1009/22-AP-27, shodno članu 24. stav 1 tačka 1 Zakona o javnim nabavkama.

Odredbom člana 24. stav 1 tačka a) Zakona o javnim nabavkama propisano je da „Ugovor o javnoj nabavci radova može se zaključiti u pregovaračkom postupku bez objave obavještenja u sljedećim slučajevima: a) u slučaju ugovora o javnoj nabavci radova za dodatne radove koji nisu uključeni u prvobitno razmatrani projekat ili u prvobitno zaključen ugovor, ali koji usljed nepredviđenih okolnosti, postanu neophodni za izvršenje ili izvođenje u njima opisanih radova, i kada se takvi dodatni radovi ne mogu, tehnički ili ekonomski, odvojiti od osnovnog ugovora bez većih nepogodnosti za ugovorni organ. Takav ugovor može se zaključiti s dobavljačem kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći 20% od vrijednosti osnovnog ugovora“.

Shodno naprijed navedenom u skladu sa odredbama člana 24. stav 1. tačka a) Zakona o javnim nabavkama, odlučeno je kao u dispozitivu.

Dostavljeno:

1. Služba za upravu privrede, lokalni razvoj, infrastrukturu i međunarodnu saradnju
2. Služba upravu finansija, budžet i trezor
3. U spis.

GRADONAČELNIK

doc. dr. Hašim Mujanović

Obradio/la: \_\_\_\_\_

(Sanela Mulahasanović)

Kontrolišao: \_\_\_\_\_

(Midhat Bajramović)

